

საქართველოს მთავრობის

დადგენილება №99

2017 წლის 22 თებერვალი

ქ. თბილისი

საჯარო სამართლის იურიდიული პირის – საქართველოს სტანდარტებისა და მეტროლოგიის ეროვნული სააგენტოს ანაზღაურებადი სამუშაოების (მომსახურების) სახელშეკრულებო საფასურების განსაზღვრის წესის დამტკიცების თაობაზე

მუხლი 1

პროდუქტის უსაფრთხოებისა და თავისუფალი მიმოქცევის კოდექსის 76-ე მუხლის მე-3 ნაწილისა და „ნორმატიული აქტების შესახებ“ საქართველოს კანონის მე-12 მუხლის პირველი პუნქტის შესაბამისად, საქართველოს ეკონომიკისა და მდგრადი განვითარების სამინისტროს სისტემაში შემავალი საჯარო სამართლის იურიდიული პირის – საქართველოს სტანდარტებისა და მეტროლოგიის ეროვნული სააგენტოს (შემდგომში – სააგენტო) ანაზღაურებადი სამუშაოების (მომსახურების) სახელშეკრულებო საფასურების განსაზღვრის მიზნით, დამტკიცდეს თანდართული:

1. სააგენტოს სტანდარტების დეპარტამენტის მომსახურების საფასურები (დანართი №1).
2. სააგენტოს მეტროლოგიური სამუშაოების საფასურის განსაზღვრის წესი (დანართი №2).
3. სააგენტოს მეტროლოგიური სამუშაოების საფასურების ჩამონათვალი (დანართი №3).

მუხლი 2

სააგენტოს მეტროლოგიური მომსახურების საფასური ამ დადგენილების პირველი მუხლის მე-2 პუნქტით განსაზღვრულ დანართში მოცემული ფორმულით გამოიანგარიშება იმ შემთხვევაში, თუ მომსახურებისათვის საფასური არ არის განსაზღვრული ამავე დადგენილების პირველი მუხლის მე-3 პუნქტით განსაზღვრულ ჩამონათვალიში.

მუხლი 3

ამ დადგენილების დანართი №1-ით განსაზღვრული საფასურები არ ვრცელდება ამავე დანართით განსაზღვრულ სამუშაოებზე იმ შემთხვევაში, თუ აღნიშნული სამუშაოები ხორციელდება სასამართლო ხელისუფლების ან/და საგამოძიებო ორგანოებისათვის.

მუხლი 4

„ნორმატიული აქტების შესახებ“ საქართველოს კანონის 25-ე მუხლის შესაბამისად, ძალადაკარგულად გამოცხადდეს „საჯარო სამართლის იურიდიული პირის – საქართველოს სტანდარტებისა და მეტროლოგიის ეროვნული სააგენტოს ანაზღაურებადი სამუშაოების (მომსახურების) სახელშეკრულებო საფასურების განსაზღვრის წესის დამტკიცების თაობაზე“ საქართველოს მთავრობის 2014 წლის 17 იანვრის №91 დადგენილება.

მუხლი 5

დადგენილება ამოქმედდეს გამოქვეყნებისთანავე.

პრემიერ-მინისტრი

გიორგი კვიციანი

დანართი №1

„სააგენტოს სტანდარტების დეპარტამენტის მომსახურების საფასურები“
საქართველოს სტანდარტ(ებ)ის შემუშავებისა და რეგისტრაციის საფასური (ცხრილი 1)

მომსახურების დასახელება	საფასური დღგ-ის ჩათვლით (ლარი)
საქართველოს სტანდარტის (სსტ) შემუშავება	4000



საქართველოს სტანდარტის ცვლილების შემუშავება	1500
საქართველოს სტანდარტის ან მისი ცვლილების რეგისტრაცია	500
„თავფურცლის“ თარგმნის მეთოდით საერთაშორისო, რეგიონალური და სხვა ქვეყნის სტანდარტების, ასევე სტანდარტიზაციის სხვა ნორმატიული დოკუმენტების რეგისტრაცია საქართველოს სტანდარტად (სსტ)	100

სტანდარტების საფასური (ცხრილი 2)

მომსახურების დასახელება	გვერდების რაოდენობა (დოკუმენტის ორიგინალის მიხედვით)	საფასური დღგ-ის ჩათვლით (ლარი)
	2-მდე	22
	4-მდე	24
	6-მდე	26
	8-მდე	28
	8-მდე	31
	16-მდე	34
	20-მდე	37
	25-მდე	41
	30-მდე	45
	40-მდე	51
	50-მდე	57
	60-მდე	63
	70-მდე	69
საქართველოს სტანდარტი, გოსტი [1] და საქართველოს სტანდარტად რეგისტრირებული	80-მდე	75
საერთაშორისო, რეგიონალური და სხვა ქვეყნის სტანდარტები, ასევე სტანდარტიზაციის სხვა ნორმატიული დოკუმენტები	70-მდე	69
	100-მდე	83
	150-მდე	101
	180-მდე	111
	250-მდე	131
	300-მდე	141
	375-მდე	153



450-მდე	165
550-მდე	180
650-მდე	195
800-მდე	210
1000-მდე	220
1200-მდე	240
1500-მდე	260
1500-ზე	260

^[1] რომელიც საქართველოში სამოქმედოდ დაშვებულია დამოუკიდებელ სახელმწიფოთა თანამეგობრობის ქვეყნების მთავრობათა მეთაურების 1992 წლის 13 მარტის შეთანხმების „სტანდარტიზაციის, სერტიფიკაციის და მეტროლოგიის სფეროში შეთანხმებული პოლიტიკის გატარების შესახებ“ საფუძველზე, რომელსაც საქართველო შეუერთდა 1995 წელს.

დანართი №2

სააგენტოს მეტროლოგიური სამუშაოების საფასურის განსაზღვრის წესი

სამუშაოების ღირებულება გამოითვლება კონკრეტული სამუშაოს მიხედვით, შემდეგი ფორმულით:
 $C = (3,33 TA + L) (1+E)$, სადაც:

C – სამუშაოების სახელმწიფო ფასი;

T – სამუშაოზე დახარჯული დრო – კაც/საათი;

A – სამუშაოს შესრულების საშუალო გამომუშავება საათში (A=5,5 ლარი);

L – სამივლინებო და საწვავის ხარჯი;

E – დღ-ის კოეფიციენტი;

3,33 – კოეფიციენტი, რომელიც ითვალისწინებს სამუშაოს შესრულებასთან დაკავშირებულ პირდაპირ და ზედნადებ ხარჯებს.

შენიშვნა:

1. დაკალიბრების ან/და დამოწმების ჩატარებისათვის საჭირო დროის ხანგრძლივობა (T) განსაზღვრულია სააგენტოს პრაქტიკულ გამოცდილებაზე დაყრდნობით და „მეთოდური ინსტრუქციის მი – 2322-99 გაზომვის საშუალებების დამოწმებაზე დროის ტიპური ნორმები“ ნორმატიული დოკუმენტის მიხედვით.

2. A – სააგენტოს არასაბიუჯეტო შემოსავლების საშუალო რაოდენობა 2005–2009 წლებში შეფარდებული სააგენტოში დასაქმებულთა საშუალო რაოდენობასთან ამავე წლებში და გამრავლებული რეალური ინფლაციის საშუალო მაჩვენებელზე (6%) ამავე წლებში.

3. (L) სამივლინებო და საწვავის ხარჯი საფასურს ემატება მხოლოდ იმ შემთხვევაში, თუ სამუშაოების შესასრულებლად საჭიროა მივლინება, რომელსაც განსაზღვრავს სააგენტოს საფინანსო-სამეურნეო სამსახური კონკრეტული სამუშაოების მიხედვით და ამტკიცებს სააგენტოს გენერალური დირექტორი მოქმედი



კანონმდებლობის შესაბამისად.

